



**REGOLAMENT SU LA MISURE DAL RIMBORS DAL COST DI RIPRODUZION PE EMISSION  
DI COPIIS E DAI DIRITS DI RICERCJE PAL ACÈS AI ATS DE ARLEF – AGJENZIE REGJONÂL  
PE LENGHE FURLANE**

*Fat bon cun Deliberazion dal Consei di Aministrazion n. 36 dai 14 di Otubar dal 2014*

## **Regolament su la misure dal rimbors dal cost di riproduzion pe emission di copiis e dai dirits di ricercje pal acès ai ats de ARLeF - Agenzie Regjonâl pe Lenghe Furlane**

Art. 1 Rimbors dal cost di riproduzion pe emission di copiis

Art. 2 Dirits di ricercje

### **Art. 1 Rimbors dal cost di riproduzion pe emission di copiis**

1. La estrazion di copiis di ats e je subordenade a rimbors te misure di Euros 0,35 par pagjine tal câs di riproduzions fotostatichis formât UNI A4, e te misure di Euros 0,70 par pagjine tal câs di riproduzions fotostatichis formât UNI A3.

2. Pai impuarts plui bas di Euros 0,70 nol è previodût nissun rimbors. Disore di chest impuart, e à di jessi scuedude dute la cifre. Ai fins de esenzion dal rimbors, nol è permetût frazionâ la domande di copiis dai stes documents di bande dal stes sogjet.

3. Il cost de eventuâl spedizione postâl dai documents e je a caric totâl dal interessât che al à fate domande.

4. La spedizione postâl e je fate di norme cun raccomandade postâl A.R. In chest câs, al è previodût un rimbors fis di Euros 10,00 plui i coscj di spedizione e di riproduzion.

5. Pe spedizione vie PEC, i coscj a son determinâts cuntun rimbors fis di Euros 8,00 plui Euros 0,25 par pagjine formât UNI A4 pai documents che la ARLeF e vedi za proviodût a archiviâ cun sisteme otic intun formât no modificabil, e 0,50 par pagjine formât UNI A4 par chei altris documents. I coscj a son dopleâts pes pagjinis formât UNI A3.

6. Intal câs di domande di copiis di documents bolâts, il paiament de impueste di bol al à di jessi fat di cui che al fâs domande, furnint la marcje di bol al ufici competent pe emission. Al reste valit il regjim fiscâl diviers se previodût di disposizions speciâls di leç.

7. Lis sumis relativis ai comis precedents a àn di jessi corispuindudis in maniere anticipade cun paiament sul c/c bancjari de ARLeF o cun altris modalitâts specificadis de ARLeF.

### **Art. 2 Dirits di ricercje**

1. I dirits di ricercje dal articul 25, come 1, de leç dai 7 di Avost dal 1990, n. 241, a son di Euros 20,00 pai documents resints (al massim a un an de emanazion) e Euros 30,00 par chei altris. Il cost dal drit di ricercje al ven aplicât a ogni pratiche che si domande l'acès.

2. Intal câs di domande di "vision", la domande e ven sodisfate dopo apontament e intai tims indicâts intal proviodiment di acet de istance, cence formalitâts particolârs e daûr dal rimbors dai dirits di ricercje.

3. Lis sumis relativis ai comis precedents a àn di jessi corispuindudis in maniere anticipade cun paiament sul c/c bancjari de ARLeF o cun altris modalitâts specificadis de ARLeF.